

謝到任表

守

秀州到任謝表

趙

亮

分符銅虎已之功能賜對金鑾復叨任使眷三輔高華之選豈微
臣么麼之宜寵大難酬感深至泣中謝伏念臣才踈識陋資淺望
輕官箴常佩於公勤家法僅傳於清白始爲宰邑兩拜命而一到
官繼以監州三冒恩而四書考逮桐川之承乏顧屏跡之奚勝尺
度是循寸長何有臧剡篋形於當路薦章更辱於從臣粗道曠療
采深僥倖終更歸奏再瞻天日之光亟玷誤恩躡真股肱之郡曾
未淹於歲月已祇見於吏民矧雋李之名邦拱武林之行闡封圻
廣袤井邑阜繁比緣經費之孔難非若向時之易辨歲或遇旱人
多阻飢俾无歎息愁恨之聲孰先勞來安集之政宜得循良之彥
上寬宵旰之憂退省非才曷膺繁委茲蓋伏遇 皇帝陛下甄收

衆善與使羣工謂臣久熟於民情頗知疾苦祭臣稍史於吏事不
憚勤勞責以維城界之近地臣敢不益堅素志勉竭愚衷節用理財
布千里中和之化省刑薄歛宣九重寬大之恩庶積涓埃仰禪海岳

石泉軍到任謝表

趙

師必

九重賜對幸瞻日月之光一障乘邊仰戴乾坤之造方宣布於德
意初奉行於教條被寵有榮撫躬知盛臣中謝伏念臣幸由屬籍
起自書生作邑寧繼於絃歌丞郡徒酌於杯水挈舟南下親逢咫
尺之顏剖竹西歸出守荒涼之地雖為小壘頗係要衝內當寬疲
察以令民力之蘇外當嚴訓閱以使邊烽之息必擇文武兼資之
士方明惠威並用之方豈意思庸得此僥冒茲蓋伏遇 皇帝陛
下仁全兼覆道大无私至公罔間於戚踈選衆酌知其可否能下
下以成政雖用人尽材然親親而任賢莫如我同姓遂令孱瑣亦
預甄收臣敢不戢吏愛人憂邊思職當究備禦羈縻之術肅靜
關塵俾無歎息愁恨之聲蠲除民瘼

英州到任謝表

楊

威

贊畫計臺訖无善狀永流支郡荐沐洪恩負戰慄於淵冰荷生成
於覆載已宣德意式慰吏民臣中謝伏念臣地望至寒天資不爽
玷名末第坐閱二十四年游宦遠方動逾三四千里一行作尉兩
地親民偶收警捕之功竟拙催科之政佐將輸於漕幕幸離鄂渚
之風濤宣屏翰於皇家敢憚嶺南之煙瘴矧真陽之小壘控東廣
之上流水火多災瓦礫之場猶在兵戈屢寇茅竹之屋僅存人稀
土曠而田萊多荒費廣入微而財用不足家乏百金之產郡无一
歲之儲惟恪意於撫摩庶蘇民於彫瘵夫何假守誤及匪才效蓋
伏遇 皇帝陛下承三聖相授之基享四海无為之治獨觀万化
允釐百工聲教所臨不泄迹而志遠才智並用姑捨短以取長遂
令今廢之資亦与使令之末臣敢不講求民瘼革去弊源寅奉詔
條行朝廷見大之詔恪勤朝夕慕君子豈第之宜庶効涓埃仰禪海岳

明州到任謝表

林

栗

泉爲鄉郡亟自列於親嫌明乃輔藩恐難勝於委寄碩恩私之未
報寧驅命之敢辭臣中謝伏念臣門地單寒性天愚拙每與凡人
議論見謂迂踈獨逢明主知怜稱其鯁亮筮仕甫周於四紀立朝
僅涉於一終外分八郡之符內忝貳卿之秩叨塵過矣報稱蔑如
北因獻納之朕馴致抨彈之噴曲荷堯仁之覆姑從召令之矜畀
以州麾幾類書游之錦迫於妻黨翻成李下之冠所祈間館之投
何意近畿之授矧茲表海密拱行都有舟車商賈之饒兼營壘甲
兵之衆肆求良牧必屬能臣執云罪戾之餘堪備使令之數茲蓋
伏遇 皇帝陛下與善不求其備觀過或謂之仁見无礼於君察
臣奮鶴鷗之志苟有利於國許臣效螻蟻之忠雖衆論之弗容
在兼收而罔棄臣敢不恪恭乃事循省厥愆思千里戚休夙夜若
在身之疚儻羣情逆順東西亦惟命之從繫犬馬之全歸寶壘惟
之大造

南康軍到任謝表

黃

唐

抱槩麟臺愧乏適時之際分符星渚蒙推從欲之仁已延見於
吏民首奉行於條教靖惟踈遠有此邀逾臣中謝伏念臣性本穎
蒙李徒獵涉頃因舍選獲踵儒官繼濫吹於蓬山復攝承於蘭省
周旋朝列僅一星終耗蠹太倉无纖毫補屬抗章而請外蒙疏寵
以永流眷此康廬暇茲匯澤通商賈於蠻煙瘴霧之外環井邑
於山光水色之中俗樸訟稀雖號江東之道院民貧土瘠全資龍
斷之商征緩之則經用乏供急之則謗言明起有如方拙曷克調
肺茲蓋伏遇 皇帝陛下天德出寧離明繼照察臣奮由阡陌或
能牧養小民知臣久綴班行或能宣布德意臣敢不守節用爰人
之訓善始以終庶惟良共理之言不孤所寄

婺州到任謝表

錢

象祖

乘輅江表曾何飛輓之勞剖竹金華復冒蕃宣之寵自天錫命踟
地懷恩臣中謝伏念臣初乏藝能蚤膺官使洊塵朝序首尾五
年屢易守麾始終兩任第自知其不武慮有曠瑕每妄意於投閑

覬安分誼比臨川之滿秩幸里社以去歸忽荷總管往永漕寄方
馳驅之是愧豈撫字之敢期矧一州領七邑之繁上直斗星之次
而三洞占雙溪之勝素鍾人物之英且莫介於行都寔甫同於輔
甸叨榮則厚審已奚宜屬皇渥之垂私適母親之抱疾控精誠而
祈免拜睿旨而莫回已即邦封敬宣條教深惟不腆切懼難任茲
蓋伏遇 皇帝陛下躰健乘時繼明出照量才猷之克稱頌爵祿
以惟均謂臣夙謹於公家必盡簡書之畏以臣頗更於民事或周
閭里之情致此宅人俾之充選臣敢不仰遵隆指歷攷舊聞思乳
矧之可馴庶獲希蹤之前哲念慈烏之反哺終期退養於異時誓
殫蟻蟻之微上答乾坤之大

温州到任謝表

樓 鑰

起家為郡俄及戍期便道之官已共侯度載眷恩而甚厚宣德意
以具孚臣一介書生累朝世祿當聖主龍飛之始偶玷末科造明
時振鷺之班每安平進久與憲音早之筆削屢參史牒之編摩嘗
佐治於偏州復勾稽於列寺天府貳邦財之重司宗書帝系之
繁比終素鞞之期忽冒朱轡之寄惟此東甌之勝實為左瀾之雄
頃任冷官茲叨假守山川如故風俗粗諳雖无竹馬之迎頓起蒲
鞭之望以前日待諸生之意推及斯民於此邦揚泮水之波仰禔
膏澤要令上下俱无於苟且庶幾田里寢銷於嘆愁此蓋 陛下深
軫黎元敷求長吏謂臣洊登王國必能躰惻坦之仁念臣四對天
顏固无俟丁寧之諭是以左符分界不待朝參嚴百趣行免加臨
遣幸遂養親之志實勤亦聞之私臣敢不律已幸公平心待物惟
忠惟孝誓堅終始之誠濟猛濟寬務勉中和之政

饒州到任謝表

曹 誼

鄙水吏符俯遂引嫌之請延和賜對進承臨遣之恩廣上德以布
宣激危衷而祗懼中謝臣李徒泥古性且任愚既弗能與世以浮
湛抑不敢望人之比數晚晚桑榆之景棲遲塵土之蹤忽繇孤遠
而列于輔藩自幸遭逢而勇於圖報謂受牛羊而為牧豈容螟螣

之害苗儻閔貧弱之戚休肯為豪強而寬假護戒多言足可畏不
虐衆怒之難任借交重結於狂朋投杼致驚於慈母理无自解分
合投閑敢期垂鑑之公垂照覆盆之下是非頓白榮寵載新雖聖
主之智如神優辨中山之謗頑微臣之材至陋何堪即墨之封惟
深淵谷之憂曷稱乾坤之造此蓋伏遇 皇帝陛下明照庶物道
濟羣生紹隆赤伏符念每先於民瘼刀矐黃金采今接近於王畿
郡雖大而守輕地則偏而土瘠事權多奪而習成委靡供億實
繁需而馴致空虛政未返於和平俗日趨於彫瘵歲矧逢於旱暵人
恐致於流亡將安鴻雁之嗚嗷方覩萋蕭之滲漉奚取鉉刀之一
割猥蒙竹使之再份臣敢不敬佩丁寧益思奮勵奉法循理允懷
漢吏之規著令稱忠並躡米曹君之武

商州到任謝表

晁之道

護山澤之官愧久稽於薄效委符竹之寄俾茲就於前功仰載恩
私居慙冒昧中謝伏念臣偶緣科第獲列縉紳願常覃恩於聖朝
驚无與北未能忘意於事會愚乃不移竊竊竊萬貨之源最重九府
之法關陝之地漢唐所都采銅以為錢乃不易之成憲兼鐵以充
弊蓋一切之權宜勢既極則害愈深法雖嚴而力不勝惟前代鎔
作之具厥迹猶存而北年興發之端其數可考輒陳鼓鑄之便以
適重輕之宜而異議橫生巧沮百出臣之身世雖九死初何足言
國之事功乃中廢蓋亦可惜尚貸迂踈之罪由施寬假之恩利害
寢明虛實大判載塵委使仍竊便安此蓋伏遇 皇帝陛下明察
萬微智周庶物秉至公以收羣策酌師言以效衆功謂因革者理
之常惟更化則可善治而衣食者民之命故所欲不禁民臣敢
不深佩至仁悉殫綿力撫綏疲瘵躋虛舜愛物之心興起事功
副夏禹厚生之意

亳州到任謝表

黃魯直

懷中奪宣城之綬以畀從官望外得亳社之符益慙小醜不勤傳
舍既見吏民間父老殫於財力之餘宣朝廷惠于鰥寡之意天實

咫尺郡為股肱中謝伏念臣才資下中李術淺陋沉迷簿領久從
州縣之勞清問下民晚叨刑獄之寄在官曠守以毀投閑會開天
臺慎東人物被先朝之識拔假郎位者歲年自狀短長无裨分寸
為國宣力尚辦一城與民持平則有二尺輒傾肝膽昧冒高明伏
遇 皇帝陛下 一日萬幾六通四關知人之福順于宗工郵民之
深寄在牧守察其勤舊善於撫綏致茲最爾之材獲奉欽哉之詔
臣敢不烹鮮期於不撓牧羊去其敗羣使蚊負山何錙銖之能力
以塵足岳亦臣子之至情

興化軍到任謝表

張淵

蓬山收跡屢叨試郡之除粉社連陰適便過家之計已見父老恪
宣詔條敢誇分土之榮莫稱隆天之施臣中謝伏念臣單平冷系
樸拙孤跡少日績文濫吹英游之末長年漫仕備嘗三世之轄屬
過聽於公朝許奏言於便坐願山林闊踈之論親沐褒俞寬渠
規清切之班已逾涯分十年去國三命作州羈官滯留聞蜀禽而
異感親民牢落恍遼鶴之來歸抑聖度之包荒錄微能而器使稍
紆藜藿且近松楸矧甫水之衣冠實閩南之鄒魯然以海壖綿亘
而弄兵時警民心機巧而珥筆成風要當寬猛之適中孰謂踈庸之
辨此蓋伏遇 皇帝陛下規模列聖綜核庶工謂臣奮自書生必
謹廉隅之守念臣嘗刺數郡不忘保鄣之恩用激愚忠罪茲使地
臣敢不益堅志操廣布仁恩節用愛人務秋毫而忽撓抑強扶弱
循令甲之至公上以寬朝廷共理之憂下以遂田里奉安之願庶
幾一得少塞萬分

池州到任謝上表

王龜齡

失職中司黜官小郡尚分符竹初見吏民咎大罰輕感深涕隕中
謝伏念臣起身寒苦涉岑淺踈自甘窮老於布韋孰謂冒榮於軒
冕越從冗散親被簡知壁水道山提携羣彥綸垣鎖闥接武近班
皆席上待問之珍非柱後惠文之用忽蒙宸筆俾總臺綱義不苟
辭輒奮蚍蜉之力志慙无勇亟開雁隼之呼矧惟聖主之難遭

亦特孤忠之可察封草上達遂忘白簡之猜嫌負罪左遷猶得朱
轡之賁飾函容厚矣報稱缺然茲蓋伏遇 皇帝陛下湛恩奄洪
垂聽寬裕執用賞用刑之要權使功使過之宜是致尋庸未從遠
斥臣敢不布宣德意撫養編氓影落江湖踴躍自憐於去國夢追
鷓鷯區區常念於愛君必誓糜捐仰酬覆幬臣无任

恭州到任謝表

謝 深甫

濫分支郡之符才難守地獲上先臣之家恩實自天荷大德之曲
成拊孤蹤而增感臣中謝伏念臣曩緣餘澤得被龍光粗知寅畏
於簡書惟守相傳之忠孝暨臨劇邑尤愧因功豈期合岳牧之言
誤以玷免旒之聽忽奉詔俞之寵過膺堂察之榮從閩越之一
同陞清源之半刺戴惟先世往值中興憤醜類之干常伏忠謀而
致命天厭亂事適无成功時方急於和戎義不辱於從虜逃生弥
歲羈死遠方雖松楸之念常切望雲而搏櫟之材敢言擇地屬外
補之有請霽中命以疏榮改界渝邦付以永流之寄前通蜀道便
於展墓之私竇緣獲對於清光披歷冒陳於往迹動玉音之慨嘆
辱天語之褒揚極泉壤以生輝鬢髮膚而曷報茲蓋伏遇 皇帝
陛下恢張治具激勵臣工天地雖大而仁及纖毫日月至明而光
極鄙隙謂敬其父而子必悅惟教以孝則忠可求故遂其掃域之
心欲示以匪躬之効臣敢不仰酬洪遠誓揭寸誠資於事君已備
知於德意堅於報國期不墜於家聲

青州到任謝表

崔 正言

領郡遐方靡聞治効分符善地復自恩除揣分難安撫襟甚愧臣
中謝伏念臣低徊末路龜勉衆流欲扶先闕於既衰誓畢微躬而
自効宿春重趺僅發半生陸駕川浮幾環万里然連翩弱羽樸檄
下材志慮冥煩而動輒迷方李術迂踈則終然昧道雖負移山之
志迄无橫草之功止緣幸遇於熙辰遂獲猥沾於仕版且從簡汰
以警尋庸而戴德自天濫官有土過鄉上冢紆組綬以誇榮退食
熙親戲綵衣而甚寵此蓋伏遇 皇帝陛下霽雲敷簾蕭露布

仁肆紹續于不圖赫聞揚於前烈恢兩儀之度无不生成眷一介之微皆歸器使故如臣之苟賤亦未在于曠閑付以詔條寄之民社臣謹當掛魚厲操置水清心祇慎國章詳求民瘼蒲鞭不犯敢追配於前蹤襦袴興謠期復見於今日

遷秩

謝功賞轉官表

宋 子京

秘錄終篇鴻都第賞列密徽數垂料餘勤授受交虛榮憂兩萃中謝竊以廣內之奧中經所藏自四聖相承凡七紀而遠積丘山而盡在糝朱紫以未分金櫃深嚴牙簽筆取舛攸司傳失有詔部分疇簡名才總製都目躡漢室之流略既見所從參史氏之藝文種分必類討論既定統紀悉周而僚輔他迁纂修交集臣猥緣愷李俾與未行素自春冥動咨典領雖片文殘牒時竄左文且雜語諸家尚悉前載訖慙數職中請為邦遂專方筆之煩益忘緹油之習不謂芸編卒業滿帳程文嘉歎籍之有條美諸儒之競力因優迹列施及孤臣汎文散之近階賜朝勳之優轉揆榮至溼撫已無堪閣筆居多早戢鍾繇之恨殺青借上敢叨劉向之功汗浹不收天高難訴但能銘於肝膈或論報於涓埃愚歎不誣

謝功賞轉官表

邵 公濟

初約信書首預編摩之列載陳奏冊例叨進擬之恩感宸意之未忘資衰淡之零落中謝恭惟 皇帝陛下道隆前緒業茂中世當故都金匱石室之藏已空致先朝豐功偉績之實未顯孰及闕文之史殆同補亡之詩爰修掌故之官少緩武步之事屢面當宁之嘆思慰在天之靈慎選通儒專功上率君子之能事既畢矣聖人之大孝何加焉臣方階俗吏以篤行宜備太史之馬走聖經絕筆冒居游夏之無辭大典成編益嘆文武之善繼

謝八寶赦轉官表代

晁 之道

享帝洪休受天大寶歡騰海宇慶浹臣工均載寵榮獨慙冒昧中謝切以聖德昭格天心眷懷必有甚異之珍符以永无疆之大曆

顯錫玉祭備奉上儀於昭列聖之光大備一王之制肆班非常之惠
澤用修不世之休祥如臣冥頑荷國寵渥前叨優叙今理恩迂自
矜流落之餘併切便蕃之幸此蓋伏遇 皇帝陛下堯仁舜孝湯
智禹功集此大成施於庶政神靈昭答符瑞駢臻實方世无窮
之休俾羣臣並受其福遂容孤蹇預切恩私宣化罔功寵或疑於
加秩逢辰至幸報敢憚於捐驅

謝八宝赦轉官表

張成季

甫除罪藉遽進文階望遠雲天特預一時之澤光生簪紱如非前
日之身寵至若驚鳥感深成涕中謝伏念臣材猶社水性實緼人初
非可用於時終有自貽之悔間屬禮陳八宝慶洽万邦赦其既往
之愆開以從新之路雪霜制物天將使之成材鞭朴御家父終无
於棄子矜憐舊物安養殘年復陪多士之步趨再奉真祠之洒掃
已踰望表仍玷序迁未聞圖報之一端併沐流恩之三錫此蓋伏
遇 皇帝陛下大道善貸至仁無親凡百姓皆得其心靡一物不
遂其性聖功丕冒瑞應並臻嘉与庶工共承多福而臣偶緣幸會
濫服寵休遽除蒙現既容可錄支離受粟尤愧无功臣敢不誦明
訓以刻肌披愚衷而指日儻万分之有補視九死以如歸

謝轉官表

汪彦章

小儒懵孝安能及史之闕文聖主隆寬乃閱奏篇而稱善頒陞迂
之茂渥錄會萃之微勞碩誠何功辭不獲命中謝臣伏以春秋之
作法必始於編年書契以來固豈容於无史自昔祖宗之相繼至
今文献之足稽中更搶攘浸失詮次既憑筆削以傳後安可見聞
而異辭乃殫鉉槩之勤上瀆冕旒之邃由太初之後而无錄雖幸
纂成問祈招之詩而不知固多脫略敢圖抵語遠辱褒嘉效差獲
遇 皇帝陛下垂意藝文增光漢烈念兩朝之政事無一字於史
官儻緩編摩懼成放逸俯憐苦志屢遭尚白之譏爰進周行俾冒
殺青之賞臣敢不博詢耆舊追補散亡若晷成果遂於藏山庶礼
失不煩於求野

謝轉官表

施

師點

奉清光於儲禁莫效微勞頌煥渥於慶霄猥承異數辭不獲命愧
豈勝情臣中謝伏念臣李術本迂智能素乏自綴負於書監嘗兼
侍於經帷更歷五年之間前後四陞其職任莫專於端尹寵尤極
於東寮漸无消埃補報之功曲荷海岳包容之賜洎踏榮於二府
皆託蔭於重暉万物雲從方快中天之觀長安日遠亦露零露之
恩兩階優崇首拜祇懼茲蓋伏遇 皇帝陛下緝熙聖季眷禮儒
臣尚記初蹤曾叨於攀附更怜晚節益厚於褒榮靜惟小器之易
盈宜引遜章而亟上寵頒鳳詔拊躬方切於兢慙祇佩鴻恩回命
不勝於俯俸

謝轉官表

晁之道

勉營職業苟道謹訶忽綸綍之下頒驚寵靈之驟及感深涕隕愧
極汗顏中謝伏念臣蚤以散材屢更煩使實人微而任重致力備
而憂深獨恃保全久容尸素究觀本末初之消埃敢慮過裕之言
遂徹蓋高之聽憫其尽力雖无可紀之勞能誓以捐軀粗有不移
之忠朴超加顯秩由賁枯根服温厚之訓詞佩光華之新渥併為
榮耀倍極兢慙此蓋伏遇 皇帝陛下大德川流至仁天覆畢照方
之遠集成庶事之康謂勸使於官師必厚加於爵賞乃推謬寵以
及罔功負戴深恩弥覓丘山之重馳驅晚節自忘蒲柳之衰儻補
萬分寧辭九死

謝轉官表

蕭

燧

鶴禁侍言初乏一毫之益龍飛臨御遠叨兩秩之迂弗獲固辭深
慙虛受臣中謝伏念臣李惟涉獵識本迂踈頃濫預於政機每登
觀於參決遭逢特異榮幸滋多運膺九五之當陽恩厚尋常之賜
爵雖上聖罔遺於故舊而微臣猥荷於眷怜蒙疊組之優崇頌循
墻而控避荐頒温詔仰戴鴻私茲蓋伏遇 皇帝陛下纂紹丕圖
拔隆至治慶覃无外矧依日月之光澤潤有加不忘簪履之舊碩
如衰晚亦被記存荷雨露之沾濡實鄉閭之焜耀在江湖之上難

補報於君恩君畎畝之中第謳吟於聖德

謝轉官表

邵公濟

天邑鼎成申錫維新之命羈臣永廢亦叨念舊之恩進秩有加出
綸甚渥訓詞孰讀感涕无從臣中謝伏念臣以坎壈百謫之餘在
坤維万里之外昨遇靖康之初載誤蒙淵聖之深知借前輩以同
升非平生之敢望擢從九列徑貳六卿夔對清光每陳迂論時城
下之師再讀而復退故河東之虜一麾而亟還豈期已誓而復渝
終作前和而後戰燕雲之酋藉口而並入并鎮之域轉盼而遂危
直渡洪流大侵近甸朝廷不能割土地以自保君父又欲守社稷
而不迁罄竭孤忠招攜同志匭函奏疏殿陛抗言荷聖主之優容
憤權臣之弗納歷考古人之禦寇罕聞王室之受圍捨會戎避狄
而不為徒堅壁清野而坐困甲冑躬擐雖大尉於六軍矢石親臨
本何煩於万乘忽偏隅之自潰蓋攻勢之難勝噬臍之悔何追逆
耳之謀良驗網羅八面涉歷三時穴以散居登而下瞰由金湯之

失守致鑿輅之在郊痛哭修門頽類喪家之狗偷生委巷真同遊
鼎之魚夫何誤國之謀見此嬰城之効逮羣胡之旋邁邀二聖以
遠征風雲至於慘淒日月為之掩翳未容速死思究後圖乃於旬
浹之間重起億年之祚迎天王於代邸奉太母於東朝宗廟不移
衣冠如故惟神臯之上宅實生氣之所儲臣偶忝居留獲司版築
興百堵之大役成千雉之舊規復還樓觀之鬱葱葱盡滌溝池之
羶穢而臣負罪被逐何勞可書詎意皇明俯憐弃物特加褒賞
勸播紳此蓋伏遇 皇帝陛下念藝祖創業垂統之大功繼神皇
設險固國之遺志當百六之厄運獲九五之至尊尊巡狩有方始示
柔於強敵宅中圖大終浸福於羣黎臣敢不仰戴鴻私益堅晚節
方避賜環之寵敢言俟駕而行疾病无堪卧巴江而死逼太平有
日冀魏闕以生還

謝轉官表

張全真

紀十年塵腐之微勞申加訓諭增三品清華之峻秩莫獲固辭登

受以還懷慙罔措臣中謝伏念臣名浮於實用過所長氣既衰而當戒得之時位已高而有疾顛之懼居懷退抑祈免悔尤况律令三尺安出哉率祖宗坦明之制所損益百世可知也實寮吏纂修之勤自惟罔功何有於賞敢謂制祿之書來上策勲之典遂行例辱進官之榮曲憐承乏之舊此蓋伏遇 皇帝陛下以上聖之質啓中興之圖孝通神明坐復寧人之疆土恩被動植灼知臣下之勤勞既講信修睦以和諸戎故任賢使能以成其政雖微而必錄功益久而不忘致令不才切此非據匪言揚而事奉已虞切信之機碩政拙而心勞未識報恩之所

謝轉官表

汪彥章

投閑得請常懼空餐會課當迂復叨信賞誤大恩而莫報持餘日以安婦中謝伏念臣去國九年奉祠兩任生平艱直不随世俗於雷同歲晚棲遲乃望君門而雨絕孰云磨鈍之具亦及養病之臣茲蓋天恩 皇帝陛下總攬權綱躬膺歷數宵衣旰食十年不發於憂勤寸地尺天一日悉歸於履載冠帶方里賞刑百工而臣投老江湖埃真溝壑陪議論卓衣之後雖愧名官吳絃歌清朝之初敢忘抒頌

謝轉官表

歐陽永叔

天地號令風雷鼓行一氣所均万物咸被遂容僥倖亦与褒升臣中謝伏念臣材不逮人識非慮遠徒有事君之節未知報國之方冒寵貪榮已踰其量見利臨得曾不知慙此者伏遇 皇帝陛下堯舜聰明禹湯勤儉修前王之曠典述先志以繼成昭致精裡躬臨路寢膺受上天之多福推與万方而不私臣於此時限以官守講儀制礼不預議郎博士之流助祭陪祠不在諸侯万物之列既乏一言之獻人无執事之勞徒隨程閣共享餘賜普天率土難異衆以獨辭踣厚踏高但撫躬而无措

謝轉官回授表

汪彥章

邊捷上聞肆頒明賞政機无補輒冒殊恩超踰既極於周行褒寵

更延於私屬仰承休命莫惜微躬中謝伏念臣初乏技能早膺掄擢雖玷機衡之末孰知帷幄之奇比興節制之師深入襟喉之志赫然成筭斷以淵衷靡逾旬歲之期坐褫種羗之氣乃示訓詞之寵兼收丞弼之勞惟帝念功宜考經綸之素如臣何力亦叨闕閱之榮茲蓋伏遇 皇帝陛下道本曲成仁无偏愛方奉策勳之典不忘充位之臣雖平時无橫草之功幸今日遇采薇之捷錫之茂渥同此膏公碌碌因人愧股肱之選懦拳拳許国誓肝腦之糜捐

謝轉官表

汪

應辰

伏覩勅命以臣知池州日守禦有勞特轉一官尋具狀辭免蒙降詔不允者承流遵職恩寬罪戾之餘糾衆擒姦責在封疆之守徒知竭盡敢覬褒嘉碩遜避之莫從但兢慙而失措臣中謝伏念臣奮身寒苦遭世休明推迁浸歷於華塗放逐尚分於小壘不虞羣盜擾隣州終勤虎旅之來坐致湯池之固因人成事碌碌無橫草之功忘戰必危赴赴有扞城之武逮茲懋賞輒復露章仰祈曠蕩之恩均及偏裨之士詔音開允輿論豔歆退自省循實爲旌倖茲蓋伏遇 皇帝陛下示天下以大信得民心於至仁寇攘宜誅尽掃萑蒲之聚膏澤所浸弗遺蕭艾之微矧是孤蹤夙塵從列既佩循環之寵仍叨進秩之榮視若介鱗猶能思於報効加之鞭策期必徇於糜捐

聖宋名賢五百家播芳大全文粹卷第九

聖宋名賢五百家播芳大全文粹卷十

謝表

遷秩

謝南郊加恩表

歐陽永叔

紫壇高峙式薦於精禋皇澤霽流推行於大慶祗應寵數伏切兢
榮中謝伏惟 皇帝陛下出震膺期繼文興治百度講明於新政
羣生涵泳於至和乃考舊章聿思報本謂二歲一郊之禮必舉以
時俾四海九州之人並受其福遂因景至躬款陽丘方國充庭其
誰敢後六卿聯事各以其官而臣職忝頒條位拘守土執且邊而
祗役罔獲施勞逮輝程之餒餘遠蒙均惠無功受賞莫違俯偃之
辭盡瘁事君惟茲稟捐之効

謝南郊加恩表

王介甫

解澤旁流明綸俯被永惟叨昧深以兢榮中謝切以時郊丘之承
所以尊上帝疇官邑之賜所以富善人盛福靡專至恩惟稱臣久

塵要近上累明時方玉輅之親祠以銅符而外守逮均休寵例獲
褒加此蓋伏遇 皇帝陛下以平施於万方無遐遺之一物矧蒙
圖任之舊特荷獎知之深祗服訓辭敢忘報禮

謝南郊加恩表

蘇子由

元祀告成靈貺昭答推廣乾坤之施普悉臣子之私願惟何勞切
冒斯寵中謝伏惟 太皇太后陛下母儀三世坤載四方享天下
之養而非以厚其身攬天下之務而非以私其族培附帝業保佑
神孫譬言如農夫之養苗耘鋤以俟其長玉人之作器琢磨而望其
成厲之以講學之勤示之以聽斷之敏導之事天而天錫之福訓
之祀地而地應以和凡下民所以知戴吾君皆東朝有以啓迪其
意如臣等輩絕企光塵雖復因時以舉儀祗令以從事參備羽衛
進執且邊豈有勞能坐被光寵此蓋伏遇 太皇太后陛下因服
膳之餘慶錄左右之微功以謂承天之休不可以專享及物之惠
不嫌於過優致此誤恩首沾近列辭避無所寢興莫遑

謝南郊加恩表

汪彥章

禮洽中天慶覃外服猥奉十行之詔就加五等之封中謝伏念臣
積冒恩私浸踰分願昨設閑於異縣蒙起發於偏城久客還家方
憇南飛之鵲通侯授印忽成左顧之龜雖滂漉以惟均何遭逢之
獨異茲蓋伏遇 皇帝陛下調御萬類藩飾羣工屬宣室之受釐
罄寰區而蒙福臣適臨本部仍胙鄉州宋人泝泝以得封望胡及
此漢將銀黃而誇里祭乃過之寵既遠於子孫忠敢移於生死

謝南郊加恩表

秦少游

宗祀以配上帝盛禮載陳大封而錫善人登章且舉寵靈誤逮
媿懼交深中謝伏念臣學術本迂器能素拙徒屬休明之運獲參
英俊之游發金匱石室之藏討論何補永神州赤縣之之瘳曠偶
逃晚自喉舌之司亟更管轄之任辱甄收之已過知報稱之尤難
比出近藩猶通祕藉會考我將之頌頃替公王之圖路寢爰開總
章斯寓消季秋而精享肅羣后以駿奔熙事備成既尽情文之

典湛恩汪濊遂周中外之臣曾是孤蹤亦膺殊祉崇勳具進真食
驟增奉綸詔以凌兢仰雲天而隕越此蓋伏遇 皇帝陛下天仁
不冒海德包涵尚記春萬嘗陪於國論更憐衰晚方守於郡章俾
異數之併加示純禧之均畀甘泉緬覩難望厲車之塵清都遂
嚴徒想鈞天之奏

謝明堂加恩表

晁一无咎

祇帝合宮穆神休之如在施仁寓縣藹民氣以為春預陪晁黻之
嚴均被勳封之錫中謝伏念臣自參機政浸歷歲時任重為憂寵
至是戒高明日運徒知聖德之不遲忠樸慮殫滋愧王功之無補
逮總章之親祀肅羣辟之具來主獻未馳兩先驅而警道黃流既
裸日純耀以排氛仰惟信順之所章此豈其襄之可及已告成於
釐事肆大賚於寰中行食增封駢休亦寵此蓋伏遇 皇帝陛下
孝慈致治精稜格幽跡其始基固可效天而法地推諸極至自當
減五而登三澤無一物之不加惠始近臣而下逮未知報禮祇有
捐軀

及第

館職

謝狀元及第表代

汪彥章

襲慶璇源幸備維城之列陞榮桂籍俄先入彀之英廣陞臚傳諸
儒環視共欣千載之嘉會親值一人之至公中謝嘗謂朝廷設科
目以致英豪孝者用文章而收富貴故自布韋之士有終身鉉繫
之間既登薦塔之標題至比龍門之變化豈有恩隆於帝曾更令
名玷於賢書班聯玉笋之華光動金枝之秀由聖德曲成於小大
視人材無間於親疎慮泯沒於膏粱特甄陶於翰墨肆垂淵問猥
及辱蹤仰漸聖化之深雖能僅綴俯揆天資之陋終愧無哥甫上
奏篇遽塵殊等鵬擊天潢之浪驚迂帝苑之春茲蓋伏遇 皇帝
陛下長育羣才并包衆甫謂秦之士賤由先王教養之衰方周以
宗強亘近屬獎成之急儻不俯同於寒俊孰為自致於亨衢昔漸
假寵於分茅今喜成名於拾芥繫君父義方之素致邦家儒術之

尊臣敢不敦尚詩書勉思忠孝既與在廷之多士同值文興將令就傳之百男采從隗始

謝狀元及第啓

趙莊叔

君門九重入奉臨軒之問愚者千慮誤叨絕等之恩非臣踈愚所克負荷中謝伏念臣才質迂下學問空虛驟起草萊不識朝廷之忌諱輕獻狂言蓋本忠義之激昂敢期一日之間辱在多士之首此蓋伏遇 皇帝陛下文武大縱輝光日新方恢中興之功不求匹夫之備謂臣言語之雖拙察臣志趣之非邪特異殊科以主正論臣敢不洗濯素志益勵前修恩重丘山敢自榮而僥倖身輕絲髮寧有憚於麻米捐

謝賜弟安國及第表

王介甫

雋乂之求外覃草野龍光之施首逮朝廷中謝竊以躬國論聽斷之煩而察知孤遠之行略門資貢奉之法而拔取滯淹之才山林之所誦說而難遭閭巷之所驚嗟而罕見伏惟 皇帝陛下協德穹昊比明義和溥臨四方洞照万物如臣同產為世時人少遭閔凶自奮寒苦雖力行強孝粗有時名而少偶寡徒機絕榮望豈期聖聽俯及幽潛遂使窮途坐階華寵將次以詔書而試藝賜之科第而命官祿不逮親既永乖於養志仕非為己當共誓於捐軀

謝弟安國得館職表

王介甫

書林置職方儲高位之材詔板推恩遂假私門之寵在於疵賤實以兢慙臣中謝伏念臣初起孤生非謀膺仕中參近侍特荷先朝屬憂患之相仍分湮淪而自弃敢圖收召俯暨幽潛服在臣鄰驟冠論思之列恩加子弟具膺庶貢之延有冒昧於殊私或超踰於常法惟救可之同產嘗久困於稠人第冊西垣比前叨於睿獎校文東觀更曲被於明揚此蓋伏遇 皇帝陛下與善無方使能以類欲阜成於大治務博取於衆材遂忘形迹之嫌以溥龍光之施衰宗既亢唯知上報之難小己易盈弥懼先類之疾

加贈

任子

謝太師加贈表

張敬夫

日月昭回燭孤忠於既沒風雷鼓動詔卹典於无窮藐然惟孤重以隕涕中謝伏念先臣早趨列著即值多艱痛陵廟之莫扶嘆簪紳之自保以爲寇讎若此豈臣子之違安義理所存何利害之足計會真人之勃起先百辟以駭奔奉命於危機洶湧之秋投軀於衆難紛紛之際以至進登揆路尺護戎車不憂醜虜之方張惟懼人心之不正炳若丹青之誓率茲縞素之師雖蒙聖神之深知亦致姦邪之橫疾擯屛炎服中逾一紀之更敢意餘齡復際重明之運竊窺睿蘊思復祖疆願畢効於精誠冀平清於氛祲而割地奉讎之論起合黨締交之謀深修邊備則拍爲費財講武功則目爲生事妄擬偷安於歲月曾微却碩於興衰非惟沮先臣之爲實乃傷陛下之志交金成市卒賴保全易箠餘哀空存感慨悵歷時之寢久勿當饋以興思中旨顯放葆章具舉既極上公之貴復稽節惠之文人知忠義之榮莫不競勸士喜是非之定少緩私憂固將垂訓於邦家豈但增光於泉壤此蓋伏遇 皇帝陛下勤儉法禹謨明繼堯緯武經文不慙於宗祐彰善瘴惡允若於天心敷揚奮動表厲在服誦溫言之曲盡仰至意之旁乎臣猥以承家極茲追慕奉性以告知神理之來歆聚族而謀念上恩之曷報惟慕先臣之許國力圖後日之殞身

謝任子表

代魏王

呂伯恭

列第環宮方極奉承之樂周廬設衛載延似續之榮烏奕觀瞻凌競佩戴切以東平諸子印猶限於能趨魯國五名類僅稱於同物疇若覃厯恩於襁褓矧惟錫美稱於冕旒此蓋伏遇 皇帝陛下高視穆清游心昭曠巍巍蕩蕩共瞻太極之尊繼繼承承爰篤曾孫之慶願訓成於幼學用克對於鴻私

謝任子表

代

溫清承顏慈極夙成於椒屋焜煌發命光風初轉於蘭芽吉語甫傳微躬載惕切以元氣兩儀之運資始資生天枝四葉之祥以嗣

以續慶流繁衍爵及攜持此蓋伏遇 壽聖太上皇后殿下德冠
河洲化孚宮闈周邦胥喜惠既篤於曾孫晉錫用蕃福本承於王
母願益聞於蒙昧庶仰答於坤元

謝任子表

宋 子京

聖澤下頒詔給有煥慶叢闈闌光動里閭中謝伏念臣退跡焚榮
餘年種種尚叨儲傳之秩許懷家巷之安養且有仁德將焉謝近
緣誕聖之節更陳延賞之求伏蒙 皇帝陛下大度包荒至慈及
物甫從人欲即霈臺恩孝治方隆許及宗親之末衰容無狀更流
枝葉之榮揣分既逾糜軀曷報

謫降叙復

起復

謝降官表

晁之道

職在撫綏事當備預弗謹授衣之令仍督奠賈之期合即嚴誅止
從貶秩厚恩莫報感涕徒揮中謝伏念臣稟資甚愚涉學至淺但
期立事初不為名適濟明時遂參法從往再塵於重鎮思勉効於
寸長旅力既愆智能又寡昧詔條丁寧之訓忘將士戰瘡之虞辜
負使令一至於此思惟罪戾胡可勝言保身實恃於好生切念高
叨於逸老此蓋伏遇 皇帝陛下至仁廣覆惠澤旁流俯矜不逮
之愚曲示惟輕之典病瞻天日弥懷頽影之慙老死丘園終負裹
尸之志

謝罷給事中表

胡文定

伏觀臣寮上言以臣不合辭免恩命乞賜黜責為人臣之戒奉
聖旨前降給事中拍揮更不施行者宿疹沉綿竊自違戾命巧詞彈
擊寢罷新除威邇在顏感深銘腑中謝伏念臣稟資至陋得數多
奇徒險阻之備嘗未悔尤之能寡早年擢第歷在四朝晚歲蒙休
叨官二省值強虜憑陵之際輸從臣獻納之規頻觸權豪坐貽澄
片間關千里慘淡百憂但驚疾病之益侵豈復恩榮之敢覬寶圖
有求神武中興得人欲濟於艱難取士不遺於羈散召自荆扉之
陋超居鎖闥之華劍佩相磨風雲初合自嗟薄命獨負危疴恐顛

踏於道途遂傾折於旒袞未回隆渥已噴煩言假如侶楚澤之蟲
蛇託生蝸舍孰若綴周行之鴛鴦平奏竊為辜身陪鳴玉之班
要東橫金之賜本非失性素不病狂忍干慢令之刑乃要流俗之
譽毀深銷骨自昔興嗟德大包荒于今為幸伏遇 皇帝陛下堯
仁天覆湯聖日躋廣施雨露之恩特霽霄雷霆之怒俯憐孤跡免
寘大臣敢不念必知非動思觀過處循茅而守約勤藥石以扶衰
謂不謹前益當善後廢而可起儻溝壑之未填志或稍伸莫涓埃
之能効

謝謫黃州監酒表

張文潛

矜其多病祿之仙聖之祠誅其積愆斥之筦樞之任雷霆既震蟻
蟻曷逃罪大責輕感深涕墮中謝伏念臣粗親翰墨篤好文詞曾
未窺其藩墻豈見稱於流輩浸蒙寵祿頗躡等夷久離中秘之逸
書與記漢家之故事入符帷幄曾未歲時而疾病侵凌精神疲耗
一碎螭陛兩換虎符幾聞報政之能徒幸養痾之便投閑置散於
分約宜號寒啼飢其窮已甚方大明於淑慝固無遁於誅夷唯是
齊安近在淮右雖薄加於黜削乃猶即夫便安非大明之燭幽頽
微生之何恃茲蓋伏遇 皇帝陛下至仁溥及盛德好生謂刑以
正邪用之初非獲已而罪非極惡議之必傳惟輕遂致夙愆猶逃
大戮臣敢不改心思過擇地圖新駑馬已疲又息銜鸞之望秋葵
未殞常傾向日之心苟一介之有施終九死而無悔

謝謫南京通判表

晁无咎

小已下僚昧於職守盛時公議特此貸全未使廢閑猶叨安便媿
深汗盜感極涕橫中謝伏念臣家世凋零在朝廷者無幾人材闕
其所學問者又非猥迫寒饑出營仕進本自安於常調固絕望於
耳塗庶幾孤愚不越公量而偶弼臣之一薦濫文館者十年初無
毫毛得被驅策徒累以任以致麾符臣自揣思久當顛沛加以祿
薄多故器小易盈不能恪居於其官遂使咎生於所忽幸仁聖矜
其如此故迂踈尚以并容第解郡章旋霑祿食將母之幸於臣已

多德大施隆身微命賤成遂莫悔啓處恭驚共惟 皇帝陛下明
目達聰與人爲善畢修祖宗之舊政遍攬中外之英材建官惟賢
宥過無大雖馮生之蠅蟻亦蒙賴於乾坤臣敢不謹畏自新忠誠
內誓念洗心以償罪譴既負負無可言思發憤以赴功名又區區
不足道報思無所避首爲期

謝謫兗州通判表

晁 无咎

咎悔難追一更寒暑嫌疑自列敢憚道塗再服寬恩重增感涕中
謝伏念臣粗知學問本乏材能仕豈爲貧慙居卑之亦分家雖積
善傷餘慶之已微嘗念居不可以求安福孰先於無禍故六年迂
徙甘常困於米鹽而羣從凋零祇自憐其形影未敢當江湖飛集
之數何足掛朝廷論議之間每欽宥過無大之仁則思見危致命
之義未試以事孰明此心諒與金之已多誠挈瓶之何有但知揣
己皆是踰涯恭惟 皇帝陛下惟時憲天常善救物慈育先朝之美
意與治古以同興謂蕩蕩民無能名佑啓我以正故業業日敷其
孝繼序思不忘蓋欲得萬國之歡心足以劔五福而敷錫雖甚微
鄙不終棄捐重念臣頃迫養親久從補外昨由公坐得譴止以佐
官連書亦既累年實更三赦事雖自致情則無它庶省循苟免於
人非或溷洗稍容於國是犬馬能報况服冠裾櫟櫟無堪猶尺燔
燎終自知其死所不敢愛於身先

謝謫知滄州表

李 成季

禮官失職甘俟嚴誅邊壘析符尚叨優寄以不可貸之罪蒙非
所望之恩驚竄鬼既還來涕無已中謝伏念臣迂踈無取選輒不持
惟知任物以直情不患周身而避患每事必問已失仲尼之前知
三思乃行終違文子之常誠一昨奉太母因山之制謹百官趨事
之期夙有司存各以類舉逮臺管口之易莫道虞主以告行竟達
空函幾敗乃事既身爲之官守反自闕於禮文仰誤神靈之依中
櫻仁孝之感過莫大者誰其歸之固當戮以市朝可復付之民社
眷浮陽之封壤控北虜之喉襟澤浸際天雖馬牛之弗及風声厲

耳實雞犬之相聞宜得望人以壯方面敦詩閱禮鎮以靜安緩帶
輕裘應之閑暇况乃大河泛溢之後一方飢窘之餘必先謹養以
惠和尤在周知其疾苦如臣孱弱暗非所克堪伏遇 皇帝陛下天
地同仁日月齊照澤及行葦每思視物以如傷網漏吞舟不忍向
隅之獨泣聊禱官而示罰猶守土以長人臣敢不砥節奉公肅心
悔過盡為臣之道於事無難推愛國之心以民為本誓殫夙夜少
補毫分觀海知瀾宛隔蓬丘之望舉頭見日長存魏闕之心

謝謫定州通判表

汪彥章

衆惡必察宜即嚴誅罪疑惟輕止從薄責表表誤登於臺自有漂漂
復返於江湖中謝伏念臣家世故寒材能特陋切慕古人之力學
偶陪多士以進身編書蠶簡之十年最為椎鈍隸亦為臺之一月俄致
顛隲由非才冒處於必爭故公論不容於交擊猥煩簡札有玷簪
紳尚依魚稻之鄉獲近粉榆之壤若非洪造豈有餘生茲蓋伏遇
皇帝陛下博採智能疏觀情實謂虛船觸舟而褊心不怒雖以無
他然疆弩射市而薄命先遭莫非自取始捐稍稟使活妻孥臣
敢不仰佩訓懲俯深循省日嬰薄領甘為俗吏之沉迷坐置銘詩
誓復平生之玷缺

謝降官表

蘇子由

罪大恩寬言者未厭官高德薄法所不容尚領真祠實出寬憲中
謝伏念臣早塵近列無補明時下則拙於身謀上則闇於國躰先
朝矜其愚陋宥以遐荒前後七年浮沉万死偶真人之御歷敷大
號以推新普復舊官亟叨厚祿然臣年迫衰暮知復何為身利退
藏願未敢請因循於此龜勉自慙雖復追前者五官仍且獲安於
閑局涵恩至厚為幸已多此蓋伏遇 皇帝陛下以堯舜之仁行
成康之政衷未忘於舊物恩許畢其餘生臣謹當杜門躬耕沒齒
蔬食知生成之難報姑靜默以待終

謝降官表

李成季

臣某言八月二十一日都進奏院遞到告一道特降授承議郎差

遣勳賜如故臣尋跪授訖禮官被黜方在退思勅局示懲止從薄責重干文憲疊負釁釁撫己奚慙感恩零涕中謝伏念臣斷斷不敏碌碌何知初无竒警以動人每以踈愚而取禍詩禮之訓勿則嘗聞刑名之書素所未亨偶預都司之進擢適當常憲之變更宰府付以官寮惟命所赴法吏摘其帑尾謂可則書文既失於舊章罪寧逃於顯戮止從貶秩尚玷承流雖天地無所不容而犬馬何以爲報此蓋伏遇 皇帝陛下聰明睿智以獨斷慶賞刑威之必行遵制揚功永懷善繼亂名改作先務謹誅謂使人知過則能盡其忠故用罰以寬而終歸於恕臣敢不省身夙夜砥節事功知無不爲庶竭事君之義死而後已益堅報國之心

謝出籍表

李成季

滌瑕蕩穢共承雨露之霑濡振衣彈冠莫知手足之抃蹈追惟前日感涕厚恩中謝伏念臣生也有時仕而無學智識非遠議論甚卑每斬事往而知非不悟才疎而多累兩午吏議三丐宮祠願白不可以適河猶叨養養惟弊或堪於累馬未即弃捐間者上帝降康天祇薦瑞備成寶刻均福蒸民敢期負釁之餘生亦預胤名於載籍此蓋伏遇 皇帝陛下愛人無已視物如傷賞罰之公時乃天道予奪之節本於人情謂法以示懲既已屢更其歲月過而必改誰將自棄於君親曲示函蒙一從前拭而臣計功无取蹈悔良多載省始終莫酬萬一蓋嘗喻父老以戴上之美意教子弟以事君之小心長歌天保之六章百拜封人之三祝雲天在望但知傾日以爲心溝壑未填尚冀殺身而報國

謝復官表

晁之道

曩緣失職稍削文階今載誤恩悉還舊物徒揮感涕載激懦衷中謝伏念臣陳力無堪叨榮有醜推閔陝轉輸之任號爲至繫碩江湖樗散之姿且其弗稱果緣曠敗自速謹訶深惟萬化之曲成不以一青而遽去仰蒙全度猶玷驅馳曾未蓋於前愆忽戴叨於新渥捫心增悸被寵愈驚此蓋伏遇 皇帝陛下盛德好生至仁善

貸昊穹報况有三靈之薦釐德澤旁流無一物之失所肆容疵賤亦玷恩榮臣敢不早夜以思造次於是息黥補劓已深愧於生成効命捐軀尚冀收於尺寸

謝復官表

陳瑩中

天慈廣大筆詔均平靡容纖介之私遂成普博之施恩光曲逮感涕橫流伏念臣稟質下愚積習迷謬妄竄皆由於自取自非難道於人言螻蟻何知身比堯天之大鶴鷄未殞命餘湯網之寬籠危蹤栖遲莫景方省循於既往豈叙復之敢期今頓釋於久羈實大踰於初望此蓋伏遇 皇帝陛下乾行剛健離照融明浪異轍之多歧會衆流於一海此疆爾界成大有之年古律今聲合奏太平之曲致朽株之蒙潤由沛澤之不徧簪綬難勝但益履冰之懼筋骸已憊莫酬肉骨之恩志常效於傾葵誓敢忘於結草

謝復官表

李成季

天地既交適契施生之序雷雨方作悉霑曠蕩之恩歸復官員洗除罪戾莫知手舞但極滂零中謝伏念臣材非過人李不知道濫登仕版誤置書林必有可觀未始錚二而驚世效无他異但能碌碌以同塵遠躡省闈遽參宰寓偶官僚之有請謂國憲之當更初无預於講論漫不思其抵謬罪同破律議在謹誅止鐫階秩之微聊毀籍書之末豈謂矜前車之既失開局步於自新川澤納汗一歸曠度父母愛子皆出至情此蓋伏遇 皇帝陛下堯性生知舜聰遠格庶事憂勤而協帝小心寅畏以事天常善救人恐匹夫之失所為能及物期一視以同仁曾見孤生亦蒙盛澤併還舊物復領真祠官守不出於由唐墨家殫盡資於植粟葵藿之心常在終幸照臨大馬之力已衰空慚秦養一无裨報獨負生成雖已浸於桑榆碩未填於溝壑猶能中田擊壤日陪野老之歡古清夜焚香每効封人之善祝

謝復職表

晁之道

肇新盛礼敷錫湛恩碩雖已廢之蹤均逮更新之澤職還書殿恩

假祠宮曲被寵靈交揮感涕中謝伏念臣李非自得愚乃不移早
講休嘉備蒙識拔中罹憂患存至顛路棄身見收於罪戾之餘迄无
取於毫釐之効逮茲屏伏益悟奇窮災疾相仍寢閱歲時之晚雲
霄已邈敢希雨露之私忽此叨逢實逾願望此蓋伏遇 皇帝陛
下逆釐神物均福海隅政用包荒施不忘遠致茲孤陋亦玷登庸
竊食丘園深愧可陳之力傾心天日永懷未報之恩

謝落致仕表

胡文定

蒲柳早衰難待引年之禮絲綸垂獎遽叨復仕之恩拜命知榮省
躬增場中謝伏念臣本由質陋亦因數奇少也收科謂功名之可
必壯而就養養竟心事之多孟違既辜啜菽之歡仍抱采薪之戚欲影
纓而弗遂因歛轡以言歸江海飛鳥不為加少蓬蒿息鷄豈且知
還交遊莫記於寒溫形影相忘於贈答縱寧夜氣終歎前修敢圖
藪澤之蹤猶動冕旒之聽此蓋伏遇 皇帝陛下量兼覆載智燭
隱微躋萬物以同仁張四維而礪俗廣振湮淪之士用彰靖退之
規誤及迂愚由加褒勉而臣衛生素拙嬰疹未蠲念丹赤之欲輸
恨筋骸之難強步趨緩縱目視昏花一壑風煙甘作養痾之地五
雲觀闕空懷拱極之心

謝起復知越州表

王豐父

起於苦塊付以麾符聖主異恩小臣難報中謝伏念臣衰逢暮質
憂患餘生方待尺於倚廬遽疏榮於分閫屢陳哀懇仰扣聽聞
靡回從欲之仁特下發中之詔深惟小已曷稱殊私屬文陛之對
揚奉邃旒之清問念前朝輔相之久无易先臣助一時制作之功
尤憐舊績記嘉祐受遺之事暨元豐定策之勲肆宸筆之一揮
破讒言於千古金杯賜第玉篆題碑及還他日之遺榮皆出至神
之獨斷茲蓋伏遇 皇帝陛下舜躬聰哲湯德寬仁鄙室又幽輝
之日采霜黃既槁振以春華重念臣昔歲奉親分符承乏湖山再
覩唯觸目以增悲父老重迎咸愁賴而太息鞭笞靡用獄訟頓清
永念不忘之恩既踰高厚將伸欲報之德敢悼靡捐

聖宋名賢五百家播芳大全文粹卷十一

謝表

宮觀 侍養

謝宮祠表

周丞相

用踰其分宜咈民瞻詔許其歸尚叨祠秩思與天而為大感無地
以寄言臣中謝伏念臣猥以妄人逢昭代不自量其才力乃過
切以寵榮久合投閑夙嘗控請屬飛龍之聖作疇不歸心雖老馬
之力疲詎忘恋主少需三月方敢一言誤蒙英睿之知優假弼諧
之禮王人疊至親札下放凡可示於留行已畢全於故實逮清議
弗容之際猶隆私未替之初內揆冥頑仰辜造化茲蓋伏遇 皇
帝陛下待人以恕馭下惟公念臣早侍元良徐致保全之意知臣
自貽衆怒難專予奪之私聽辭湘水之麾俾領祥源之使擢髮不
足以數愚臣之罪捐驅不足以酬聖主之仁惟憑香火之緣上祝
乾坤之素

謝宮祠表

王

信

杜門省咎分安田里之居出綽疏恩叨賦祠庭之廩眷繇宸念感
 極愚衷臣中謝伏念臣奮自諸生幸逢昭代粵從乾道淳熙之際
 誤蒙 壽皇聖帝之知擢宜周行屢更歲館郎曹宰掾戎監頌
 臺存陪峻域之游旋冒禁塗之選惟知職守敢為身謀曲荷保全
 第從免去不謂英主飛龍之始乃記微臣如蟻之蹤茲蓋伏遇
 皇帝陛下睿哲自天聰明協帝方紹休於帝統首垂意於人材切
 觀播告之新每及論思之舊初覃霈澤技拭之澤優嗣拜詔音
 咨詢之旨切頌如庸瑣弗忍棄捐獨於旬浹之間被此寵光之厚
 臣敢不益望素履仰答鴻私小器易盈姑竊斗升之活大恩難報
 敢忘畎畝之忠

謝宮祠表

鄭

丙

引年謝事將微不職之愆優老予祠尚竊無功之祿恩洽至矣報
 稱謂何臣中謝伏念臣稟資至愚謀身甚拙勤勞書癖惟五三六
 經之傳奔走塵容殆四十五年之久心勦形瘵齒豁頭童念當休
 影以處休且欲息黥而補劓祈上遷於官政庶終保於天年聖度
 兼容俞音尚闕冷其衰晚畀以珍臺祿足以代其耕遂免啼飢之
 患食焉而怠其事難逃尸素之譏茲蓋伏遇 皇帝陛下智燭旁
 昭仁天廣覆方萬物之咸覩無一夫之或遺馬不牧而烏啄瘡曲
 加軫念鹿自走而庖湏肉俾免憂疑推此橫恩全其末路臣敢不
 佩韋自戒吞舌知非友麋鹿侶魚蝦自適優游之願先狗馬填溝壑
 敢忘報効之私

謝宮祠表

王

信

奉香火之緣雖愚臣之舊物拜絲綸之寵實聖主之新恩載省妄
 庸倍增荷懼臣中謝伏念臣稟姿踈拙際運休明比叨兩省之聯
 寢歷五年之久知竭忠而報上敢避怨以謀身退道謹何分甘閑
 散恭惟初政省記孤蹤方竊祿於祠庭旋叨榮於邊閫正虞弗稱
 乃得毋行茲再被於俞音俾復踏於溼惠廩之繼粟庖人繼肉深

愧因功飢者得食寒者得衣若為報德茲蓋伏遇 皇帝陛下緝熙萬化愛惜羣材苟非甚無用之人常軫不忍棄之念謂臣鴛鴦亦世消塵收其尺寸之長活以斗升之養臣敢不勉安敬守思答所蒙第慮微軀未免月費歲糜之誚尚堅晚節以酬天施地生之恩臣無任

謝宮觀表

胡文定

懇誠上瀆懼獲嚴何隆旨下頒許從私願驚視稍定厚德難忘中謝伏念臣資稟冥頑生平躋蹇頃叨綸掖不敢誤朝數犯權臣遂令去國孤忠莫効宿疹頓侵胡馬猖狂痛山河之失險漢儀昭耀幸神武之中興召自柴門超居鎮闥與涓川謗免中駭機復降袞褒延登要路湛恩稠疊蓋糜殞以為期弱體尪殘恨欽承而弗獲遠趨行闕恭俟俞音特荷天慈俾安祠館此蓋伏遇 皇帝陛下乾坤合德日月齊明假病木之濃滋委覆盆之餘照俾露饒廡采蹈風霜憑伏籠靈雖迫摧頽之景精勤藥石更圖補報之方

謝宮觀表

晁之道

阜財無術省己多愆尚汗琳館之優除益載皇慈之曲被橫流涕泗深腆面頰中謝伏念臣愚不自量妄嘗有志寧殺身而徇主不營私而為名乃以一芥么微之下才而當九府夥繁之劇任特逢睿寵殊異輦流固已懼於顛躋蓋又隘其分量非主張之有素已竄殛之是加為屈公言止從清責坐糜廩祿俾色養之弗違盡脫憂虞翫沉痾之遂息併諧僥冒更極驚慙此蓋伏遇 皇帝陛下格天溥臨如日徧照示之罰而使知過加之恕而弗忍誅致庶政之惟和靡一夫之失所乃如底賤亦在哀矜臣敢不內訟往愆仰思明訓覲獲收之末路必踐於初心儻九死之可酬豈餘生之敢惜

謝宮觀表

晁之道

沉痾載塗已甘殞越凌兢俟命亟荷允俞罪大恩深慙多感涕中謝伏念臣陳力寡薄賦命遭廻盜器局之易盈宜災疾之崇降心

體俱弊精誠並衰曾不自保於朝昏頹何以寄夫民社雖欲強勉非所堪任輒丐領於祠宮庶獲親於鑿藥恩施如蒼枯朽更榮此蓋伏遇 皇帝陛下明察幽微仁澤動植曲矜疲瘵欲更安全貪戀明時儻未填於溝壑裴回莫齒猶有報於生成

謝宮觀表

張全真

引分投閑寔緣衰病籲天得請仰沐慈憐名參祕殿之清職允真祠之秩拜恩優渥撫已兢慚中謝伏念臣稟性至愚謀身甚拙早從言責浸冒昏知初無借助之游談遍歷高華之妙選得時則駕豈知富貴之危機直道而行切慕聖賢之往躅奚經綸之小補積尸素之深憂况迫衰殘久妨賢路輒伸悃悃屢瀆宸旒敢為天明不違人欲許辭榮於禁地俾就祿於祠庭雖三徑已荒無復鄉閭之舊業而一瓢可樂終為聖世之幸民此蓋伏遇 皇帝陛下體徧物之堯仁懋勤邦之禹績兼收羣策宏濟多艱於小大之臣各極其器能而進退之禮由全於體貌遂令孤藐終獲便安繫

天蓋地容莫報君親之賜雖山深林密敢忘畎畝之忠

謝宮觀表

晁之道

赦蠲罪矣澤被庶工雖在空食亦歸舊秩寵踰其分愧積于中臣中謝伏念臣陳力至微叨榮已甚身卧閭里名參禁直之華官无事功居享稍食之厚每虞滿溢更速愆尤敢期復俾於故階將使再臨於名郡丐安舊職以養沉痾亟蒙從欲之恩彌有逢辰之幸此蓋伏遇 皇帝陛下仁心天覆德意川流矜此衰殘錫之寵祿和氣所被因收藥石之功旅力雖愆猶冀消塵之効

謝許侍養表

胡文定

瀝懇計私自投誠於君父蒙恩賜可獲供職於庭闈仰報矜憐惟知拜舞中謝伏念臣未能自信何所取材濫陪入彀之英徒急抱關之祿光陰在再蹤跡飄零膳羞多闕於日甘晨夕少諧於定省祇膺嚴命感激愚衷叱馭戒塗夢寐碧雞之佳境牽衣結恋徘徊烏鵲之深情矧當喜懼之年深計短長之日臣而留令無所逃

誅子或委親亦將安用况鮮友恭之助已驚馬血氣之衰因露悃悃
冒干旒袞幸逃嚴譴仰奉俞旨伏遇 皇帝陛下孝通神明德配
高厚崇八行之舉於以明倫凡一物之微悉皆得所俯念服勤之
請俾安就養之方施等丘山命輕早介臣敢不謹當盡心明善務
本為仁羞菽水以致歡餓體膚而弗悔學如未至更殫早夜之
思忠或可移終有塵捐之地

賜詔

傳宣

獎諭

宣召

赦書

謝乞宮祠不允賜詔表

張全真

嬰疾病之友離顛天有請拜訓詞之溫厚踏地難勝恩未熟而接
窮感既深而悚隕中謝伏念臣一違軒陛遽閱三秋數奉絲綸連
牧兩郡宣布中和之政拊循凋瘵之民期德意之遐孚豈勞心之
敢憚久纏羸疾竄身已類於清漳不任劇煩卧閣殆同於東海深
虞瘵曠遂露忱誠非敢專圖安便之私寔恐上詔使令之意未蒙
賜可更假優榮此蓋伏遇 皇帝陛下德大包荒仁深念舊以嘗

承乏於帷幄或可借重於藩垣故雖衰遲不忍捐棄報乏暮年之
政宜即謹訶賜均一札之書猥叨勞勩儻未先於溝壑誓仰答於
乾坤

謝乞宮祠不允賜詔表

張全真

晚境卧病忱詞屢瀆至仁藏疾溫詔嗣頒恩既渥而言殫感益深
而涕隕中謝伏念臣起自二吳之故里府更兩越之名藩意廣才
踈心勞政拙頌七閩雖稍遠在諸路為最優茲盜謫除民方莫枕
兩賜順適歲有積倉使臣自擇以居易地豈復加此况於衰謝豈
不懷安但以稟氣素孱衛生仍拙節宣無術致六沴之陰乘湯劑
罔功逮三醫之徧謁遂披情赤仰扣穆清庶幾少避劇煩暫是休羸
察亦匪專為便私之計誠恐自貽曠職之誅豈謂慈憐尚闕俞旨
頒坦明之帝制申賁孤蹤瞻咫尺之威敢違睿訓效蓋伏遇 皇
帝陛下堯仁天大湯聖日躋久任以責成功兼容而收眾智故雖
病瘁不忍弃捐再念臣視息僅保於餘生精爽未還於舊觀愧丙

少卿之德益復饗封非汲長孺之賢詎能治終虛竦敗上玷使
令誓殫體國之誠庶幾擗朽而摩鈍尚有首丘之志終期置散而
投閑

謝乞宮祠不允賜詔表

冒真忱辭期遂養痾之素志俯頒溫詔復蒙藏疾之深仁假榮便
藩撫懷震惕中謝伏念臣名浮於實用過所長二府徧更守朴忠
而自信三州詳試敷善狀之無聞福既過而挺災氣早衰而被病
茲睿哲大有爲之且正臣工思自盡之時固將効州縣之微勞庶
或佐朝廷之大計心勞跡拙欲陳力而不能外疆中乾歎衛生之
無術與其坐俟曠環之責曷若亟披烟榻之愚乞解麾符庶少親於
藥石未頒俞日復申錫於終綸此蓋伏遇 皇帝陛下廊上聖之
英姿建中興之偉業雅重牧民之寄不忘念舊之心知臣粗歷於
藩宣當更責成於悠久謂臣雖嬰於疾恙猶堪卧治於平時但然
深厚之辭貫此菟狐之跡疏思既溼况瞻咫尺之威避事有嫌且
懼再二之瀆欽承睿訓勉竭駑才儻後効之可圖豈餘生之足惜

謝詔書宣諭表

張全真

臨遣星軺撫傷痍之遠俗俯頒帝綍形惻怛之溫言仰睿渥之東
漸騰歡聲之北拱中謝恭惟 皇帝陛下躬禹勤儉性湯寬仁摠
攬權綱躋德刑於冬夏巡行方嶽省耕歛於春秋碩藜元久困於
干戈慮詔令徒施於墻壁深求民瘼益固邦基尚憂聖澤之未宣
分遣使華而申諭選求時望假之憲府以重其事權賜對便朝付
以爾書而稽其課最欲大蘇於凋瘵期盡掃於煩苛武夫感涕以
銜恩癯老扶携而觀化臣猥司彝翰繆布教條念父侍清光亦粗
知於德意坦然明白奉以周旋何止楚王附三軍而挾纊敢師漢
吏期千室之鳴絃

謝詔書獎諭表

王曲其父

沃壤千里本睿筭以經營賜札十行辱天褒之優渥鼓鍾導從父
老俱瞻喜動公庭光生私室中謝竊以誓山故國鑑水巨湖昔失

渺茫則就其深而儲水今茲堙塞乃因所利以爲田仰神考之有
爲自熙寧而經始幅員幾七百里首尾逾五十年浸歷居諸益多
高仰與其爲強民盜占而私已孰若立法制拘利以供官曩緣文
陛之對揚親奉遠旒之清問欽承密旨來治餘疇悉稟宸謨曾无
費於毫髮坐興厚利誠有補於倉箱迨此第功獨先假寵祗奉綠
綈之賜實均華袞之榮茲蓋伏遇 皇帝陛下道冒八該明照萬
里紹帝勲而高古耕王籍以勸農無無周原咸被涵濡之澤茫茫
禹迹載成經營之功臣自視疲駑謬當委寄旣之居官之可紀又
豈有功之足知政愧穎川誤奉褒揚之詔情同天保願歌歸報之
詩臣無任

謝詔書獎諭表

張全真

瞽言冒獻瀆已懼於再二聰聽兼容慮不遺於千一肆頒溫詔俯
賚寒蹤誓首拜恩銘心戴德中謝伏以兇離狂悖挾虜騎以長驅
睿主憂勤整戎車而夙駕天威臨赫士氣賈餘紛萬旅以爭先哀
羣策而並用臣頃陪帷幄久備藩垣衰遲蒲柳之姿蹇淺芻蕘之
論初非言責祝敢意於代庖切歎時危接靡遑於恤緯輒披悃悃
少助詢謀敢謂仰契廟謨特形天獎煥發絲綸之重蔚增簪履之
榮此蓋伏遇 皇帝陛下文即康功湯昭聖武陳師鞠旅捷書
屢上於甘泉舍已從人訪問每勞於衢室猥加勞勉誤及庸虛一
札十行不替終始之遇四郊多壘示通遐迹之情臣敢不味深厚
之訓詞體蓋受之大德老當益壯誓九隕以爲酬知無不言庶萬
分之或補

謝傳宣撫問表

張全真

叨紆郡組未聞襦袴之謠就遣使軺俯賁絲綸之寵吏民改觀山
水增輝中謝伏念臣夙被簡知久陪嚴近荐臨師閫錄屏翰之微
勞還付經帷極儒生之榮遇而臣又苦陰陽之寇復冒風波之塗
力勾就間屢投誠於黼宸由蒙從欲更假寵於藩垣慙德意之未
宣辱溫言之遠及此蓋伏遇 皇帝陛下天臨寰海子惠臣工愛

民務極於撫綏念舊加隆於躰貌尤軫竒孤之迹特頒深厚之辭
煖然似春載榮蒲柳之質就之如日但傾葵藿之心誓勉効於微
勞庶仰酬於異眷

謝傳宣撫問表

未能五月而報政方懷尸素之羞仰惟一視而同仁存休撫存之
渥使華泊館輿誦載途豈惟寒陋之增華咸識聖明之念舊中謝
伏念臣才鍾疏竅景迫衰殘繼叨剖竹之榮雖殫智力數困負薪
之疾蔑著事功已荷優容更垂簡記臨遣士人之重俯傳天語之
溫此蓋伏遇 皇帝陛下正五事以承天心推赤心而置人腹眷
股肱之輔郡德澤宜先軫帷幄之近臣寵私未憝每曲形於慰籍
以增重於觀瞻而臣躰方中於沈痾神未還於舊觀固當自力思
稱所蒙倦鳥知還終冀逃於曠責靈虵咸報庶或勉於後圖

謝傳宣撫問表

澤國承流蔑著蕃宣之効星軫傳命存頒深厚之詞仰睿眷之有
加顧微蹤之豈稱中謝伏念臣猥以凡器早踐要津荷黼宸之誤
知入陪二府叨朱轡之重寄出殿三州志大何為性踈寡與毫髮
莫聞於補報筋骸屢困於沈綿周旋郡舍之幾時絡繹使車之及
境溫言其寵重拜知榮此蓋伏遇 皇帝陛下道大兼容智明旁
燭憐慈履復之舊物曾侍燕閒錄屏翰之微勞益隆躰貌衰遲自省
榮懼交并雖撫字為勤未有及民之善政而寵光若此敢忘致主
之初心當益勤於後圖誓無慙於晚節

謝傳宣撫問表

下車問俗始欲布於寬條乘駟經途遽欲頒於溫詔拜恩稽首中謝
感銘心臣中謝伏念臣向蒙特達之知久玷高華之選大恩未報
已迫衰殘睿眷有加由垂簡記復昇上流之重寄敢辭行路之阻
修念違睟穆之容未踰月律亟責坦明之訓就遣星軫式慰羈孤
益隆躰貌此蓋伏遇 皇帝陛下廓漢高之大度推光武之赤心
雨露所濡天何心於遠近終綸之出人自改於觀瞻仰恃寵靈庶

逃罪戾儻少收於薄効敢自愛於餘生

謝傳宣撫問賜藥表

輟九重之近密俯貴溫言軫三代之災敲寵頒珍劑恩非常擬感
溢情淮中謝伏念臣一去闕庭再罹寒暑餘齡晚病骨支離未
酬覆載之私每迫陰陽之寇欲迹瘵敗歸乘下澤之車敢謂記憐
加賜上池之藥此蓋伏遇 皇帝陛下坐恢遠略力致中興在知
人在安民不洩邇不忘遠察臣久陪帷幄粗忠樸而無它以臣遠
守江湖假威靈而增重閱歲華之始半辱使駟之游臨臣敢不勉
竭疲駑少圖補報俗期無犯田收賣劔之牛病或有瘳身効銜環
之雀

謝傳宣撫問賜藥表

臣某言十二月五日伏蒙 聖恩差入內內侍省高班主管合同
憑由司王錫到府傳宣撫問并賜臣銀合鵬茶者臨遣星軺速苦
置郵而傳命府須奩劑威無咫尺之違顏登受以還兢榮自失中

謝伏念臣叨分近輔莫著微勞頽齡浸迫於西山况嬰衰疾短景
適臨於北陸尤苦祁寒是資服食之良以禦晦明之沍豈芥然之
朽質特簡在於清衷既貴溫言復加珍賜尚方修製靈於紫府之
丹御寶緘封貯以白金之器王人俯洎父老驩迎此蓋伏遇 皇
帝陛下居上克明使臣以禮俾盡股肱之力傍全駉貌之誠念臣
頃參帷幄之籌義同休戚憐臣密備藩垣之寄衆所觀瞻特假寵
靈以榮觀聽起漳濱之沉瘵指日以須存魏闕之精誠戴天知感
哲言圖九殞仰報萬分

謝傳宣撫問賜藥表

王介甫

膚使寵辭載華原際寶奩珍劑加賁立園臣中謝伏念臣少出衡
茅晚陪帷幄德輶寄重才淺知深但念里居長負丘山之責敢期
宸眷尚留簪履復之矜此蓋伏遇 皇帝陛下天幃无疆海函不弃
戴難忘之盛德豈特銘肌撫易盡之餘生唯當結草

謝賜詔藥物表

輟宮闈親近之臣臨湖海寬閑之野授之藥物撫以訓辭尸厚祿而無勞謂當誅絕捐大恩而不報彌所兢慙臣中謝伏念臣出本羈單自甘淪弃晚由朴學上悞聖知智曾昧於保身忠每懷於許國讒誣甚巧切憂解免之難危拙更安特荷眷憐之至况遠迹久孤之地實迹言易間之時而離明昭晰於隱微解澤頻繁於踈逖此盖伏遇 皇帝陛下以上仁含垢以大智容愚弗使南箕得侈餒揚之狀更令北戶坐蒙臨照之光莽然垂盡之病軀佗若橫流之感涕惟困窮无理猶致命於一餐碩冒昧不貲敢忘懷於九死

謝獎諭表

晁之道

遵奉聖謨繕脩戎備載紆睿獎增激懦衷中謝竊以朔方奧區天下重地神考講安邊之策盡古今之所長聖朝廣嗣武之聲兼細大而畢舉維是城守之具未完萃聚之功親喻德音往圖偉績遂一新於戎器益坐震於天威實惟聖制之修明亟獲事功之建立願慙迂拙誤玷寵褒此盖伏遇 皇帝陛下天運沉機日昭獨智務講兵家之上策以究聖人之極功兼錄微勞用勸羣吏臣敢不勉驅駑蹇圖稱使令定止三川荐克就緒惟茲一道方促奏功斯仰躬於碩懷誓永堅於忠節

謝獎諭表

晁之道

犴獄篋空皆本克寬之德爾書詆下倍懷非據之慙仰窺眩驚俯揆戰慄中謝竊以畿分千里輻湊方邦雖有趙張之才猶艱獄市之寄乃今暮月忽三敬於園扉考古盛隆未一書於方冊豈有司能使其不犯宜聖主獨以為極功碩錄微勞普加誤獎雲章垂象已旁燭於三辰奎壁載圖仍諦瞻於八法夫何冒昧獲此遭逢此盖伏遇 皇帝陛下大德好生成功不宰罔兼庶獄遂臻刑措之隆申勸羣工特厚衮褒之寵而臣雖參實試獨負空衿上懼貪天以為功下愧因人而成事永藏漢禮自欣千載之時力誦堯仁願拜萬年之壽

謝獎諭表

張全真

臣某言近者本路諸處羣盜相繼平殄緣久勤聖慮略具奏知今
月初三日伏蒙詔書獎諭者四郊多壘盡陶箭勺之和一扎成文
誤被絲綸之寵吏民改觀山水增輝臣中謝切以盜起貧窮故詩
入詠盈止而後寧止治貴清淨故循吏謂勝之不若安之矧惟江
西稍遠闕下徂器訟之習而稔熟其兵甲遭焚掠之暴而隳廢其
田廬蟻聚蜂屯既結而不散草薶禽狝垂盡而復生上軫九重之
憂尤艱一路之寄如臣本无術略加以衰遲親承訓敕之音恭石
寬大之詔人非木石固知懷德以歸心惟有豺狼亦或畏威而革
面至於遣戍兵而督捕殲首惡以示懲政以罔後殆非得已故稍
戢弄兵之俗汙可小康未能臻莫枕之期曠然大變心異寬於憂
碩跡頗類於言功乃蒙旌閫制之微勞降墮書而褒諭人所助者
信也實由聖德之誕敷臣何力之有焉徒愧恩言之重溼此蓋伏
遇 皇帝陛下懋湯大德達舜四聰孝通神明外默孚於強敵化
行江漢內自榕於羣偷欲獎勵於庶工故推揚於一善臣敢不仰
體勸功之意銘深厚之訓詞俯思善後之方息愁歎於田里庶幾
晚節不辱睿知

謝遣中使撫問表

王介甫

孤臣疲曳自阻進趨上主慈憐猶加撫諭中謝伏念臣晚陪休運
特荷異恩橫草無功每恨弃軀之晚負薪有疾仍慙制祿之優豈
謂 陛下所摠方機心忘一物迺因輶軒之出俯逮躋履之遺仰
荷眷私唯知感涕

謝宣召表

含哀去國扶藜造朝蕭坐禁嚴許之燕見玉堂闕麗賜以叨居申
飭使人就傳德意事雖有故寵實非常莫知報稱之謂何徒荷眷
求之如此

謝赦書表

張全真

際河之封再歸版籍配天之澤覃被幅員疾置流傳輿情呼舞臣
謝 臣聞晉虞舜符秦於泚水之上猶勤八萬之師吳奔曹魏於赤

壁之傍僅保三分之地糜爛其民而戰功烈如彼其卑坐視中原以資敵國曾未有不煩遺鏃遂得侵疆卓然標一代之勲煥乎如今日之懿此蓋伏遇 皇帝陛下廣大配天地孝悌通神明料強敵於沉幾決大疑於獨斷修政事而復周境何視宣王敷文德以格苗民遠符虞帝既獲和戎之利大推肆眚之仁臣夙贊鈞衡荐分藩翰惠此中國已共沐於湛恩守在四夷願永觀於丕顯